

續修四庫全書

皇元風雅

〔元〕
蔣 易 輯

據北京圖書館藏元建陽張氏
梅溪書院刻本影印原書版框
高一八五毫米寬二五六毫米

皇元風雅集引

易嘗輯錄

當代之詩見者往、傳寫蓋亦疲矣咸願鋟梓與同志共之因稍加銓次擇其溫柔敦厚雄深典麗足以歌詠太平之盛或意思閑適辭旨冲澹足以消融貪鄙之心或風刺怨誹而不過於譎或清新俊逸而不汙於靡可以興可以戒者然後存之蓋一約之於義禮之中而不失性情之正庶乎觀風俗考政治者或有取焉是集上自公卿大夫下逮山林閭巷布韋之士言之善者靡所不錄故題之曰

皇元風雅弟恨窮鄉黨聞米輯未廣烏能備朝廷之雅而悉四方之風哉姑即其所得者刻而傳之云爾至元三年正月初吉建陽蔣易書於思勉齋



皇元風雅集序

一代之興必有一代詩人以鳴 國家之盛雅頌二南後世蔑以加矣在漢時則有樂府在魏晉宋時則有選詩在唐時則有河嶽間氣諸集亦皆鳴之善者也夫大抵氣盛者聲宏地廣者風遠德有厚薄功有小大聲音不得而證焉士大夫生當其時濡耳染目動諸中而鳴于外亦豈人力之所能為哉

聖朝混一海寓疆理萬國有三代所無之天則必有三代所未有之詞章兼以承平百年教化浹洽洋溢發越形于聲歌固宜与生民清廟並傳而陋東西二都矣今文獻故家与晨星俱泯而鳴于時者復如好音之過耳他人罕得而聞焉豈不深可惜哉東陽蔣師文甫始集

本朝諸公之詩凡若干卷名曰皇元風雅徵子序予讀之見其優游不迫有若古樂府者烏冲澹自然有若選者烏音節鏗鏘詞語雄渾又有若盛唐諸名家者烏辟如大塊噫氣周旋于扶搖之表而鼓盪乎蒼莽之野天聲地籟翕然並作清濁高下雖有小大之不同然其得于所感

則一也嗚呼盛矣哉我

朝之詞章也因一代之詞章而知一代之盛治則此編豈小補哉雖然達而在上鳴于朝廷者其詩易以傳窮而在下鳴於山澤者往々不可得而見此十五國風所以難備也予在京見宋御史顯夫集詩二十年得百十家欲刊諸湖廣猶日延四方之士而采之惟恐滄海之有遺珠也不知今已鋟梓否耶師文有志於是安得并求而刺之以備一代之盛觀云至元四年戊寅閏月丁未應奉翰林文字文林郎同知制誥兼

國史院編脩官黃清老序

皇元風雅序

夫欲觀於國家聲文之盛莫近於詩矣類而求焉是為得之昔者延陵季子見詩與樂於中國心會意識如身在其時而親見其人蓋以此耳梁昭明著文選其詩不必出於一時之作一人之手徒以文辭之善惟意所取而已然數百年間篇籍散軼幸有此可觀焉而衰陋之習或取此以為學則已微矣河汾君子有意於續經漢魏之詩殆必有取焉而其書不傳蓋非偶然也抑嘗聞之詩三百一言以蔽之曰思無邪又曰王者之迹熄而詩亡然後春秋作邵子亦曰自從刪後更無詩蓋知聖人之意耳昔者盛時學道之君子德業盛大發為歌詩光著深遠其小人蒙被德澤風行艸偃變化融液莫或間焉此所以一言可蔽之曰思無邪也此所以王者之迹熄而後詩亡也此所以刪後之無詩也國朝之初故金進士太原元好問著中州集于野史之亭蓋傷夫百十年間中州板蕩人物凋謝文章不繁見於世姑因錄詩傳其人之梗槩君子固有深閔其心矣我

國家奄有萬方三光五嶽之氣全太古醇厚之風立異人間出文物粲然雖古昔何以加焉是以好事君子多所采拾于文章以為一代之偉觀者矣然而山林之士或不足以盡見之百年以來詩文之輯錄蓋多有之然雖多或不足以盡其文或約而不足以盡其意亦其孰然也監察御史前進士宋聚顯夫在史館多暇其所會粹開國以來辭章之善多至數十大編自草野之所傳誦亦皆載焉庶幾可以為博而傳寫之難四方又有不得盡見之病矣建陽蔣易師文著

皇元風雅三十卷而以保定劉靜修先生為之首許文正公繼之終之以雜編三卷庶乎其有意焉若劉先生之高識卓行誠為中州諸君子之冠而許公佐世祖成治道儒者之功其可誣哉若 師文者其可与言詩也夫十卷以上諸賢皆已去世而全集尚有可攷如臨川吳先生之經學具有成書其見於詩者泰山一豪芒耳窮鄉晚進尚繇是而推求之乎十一卷以下諸君子布在中外夫君子之為學苟不肖自止則進德何可量哉竊以為未可遽止於斯也至於

僕也蚤持不足之資以應世用老而歸休退求其在己者尚慊然其未能也片言隻辭何足以廁於諸賢之間哉亟除而去之則區々之幸也至元己卯七月三日雍虞集在芝秀亭書

皇元風雅總目



第一卷

劉夢吉 許仲平

第二卷

姚公茂 郝伯常

第三卷

姚端甫 盧處道

周景遠 牟獻之

鮮于伯幾

第四卷

趙子昂

第五卷

楊仲弘

第六卷

范亨父

第七卷

鄧善之 劉聲之

第八卷

袁伯長 吳幼清

戴帥初 袁德平

第九卷

胡汲仲 盧彥威

第十卷

揭希章 薛宗海

第十一卷

虞伯生 楊紫陽

第十二卷

王繼學 毛靜可

第十三卷

馬伯庸 魯子翬

達兼善 薩天錫

第十四卷

曹子貞 王仁父

王在中 王止善

第十五卷

揭曼碩 元遺山

第十六卷

柳道傳 黃晉卿

第十七卷

黃子肅

甘允從

第十八卷

吳正傳

祝蕃遠

顧淵伯

第十九卷

陳濟民

郭彥高

杜仲梁

陳剛中

陳載之

王玄舉

第二十卷

何得之

許益之

熊勿軒

第二十一卷

文文山

杜清碧

謝疊山

第二十二卷

孫履常

劉師魯

李仲公

王尚志

第二十三卷

何太虛

陳子仁

吳彥輝

李季和

第二十四卷

彭元亮

常仲微

第二十五卷

張仲舉

陳新甫

倪元鎮

曾模遠

第二十六卷

陳節齋

王景初

楊飛卿

吳維申

宋子虛

郭以道

王靜得

第二十七卷

吳開閑

黃松瀑

劉湏溪

李坦之

張伯兩

薛玄卿

何潛齋

蘇北溪

第二十八卷

雜編上

宋誠夫

謝敬德

張質夫

元復初

張夢臣

安南國王

宗道傳

于分翁

劉起潛

杜若川

練梅谷

卓元聖

歐陽南陽

張可久

徐威卿

傅景文

龔子敬

杜仲高

林德陽

熊勿軒

戴祖禹

鄧牧心

萬世九卷 雜編中

梁貢父

段惟德

劉衡

胡梅畔

宋之才

歐陽元功

易方猷

謝羽皋

陳尚德

方景山

尹仲明

宋季任

韓伯高

陳敬仲

宋顯夫

李道機

王止善

郝守中

楊季

周敬陽

周克善

僧無懷

立名

鄭資深

張萬里

陳直方

周本心

鄧德良

徐天逸

第三十卷 雜編下

方虛谷

尹仲明

林巖山

劉時中

杜若春

陳茂卿

林德陽

李文遠

李溉之

王寬夫

趙子玉

趙春洲

王伯益

江學庭

鄧蓀壁

張伯遠

王季鴻

黃元鎮

陳梓卿

易始於懷友軒得觀

當代作者之詩昌平何

得之浦城楊仲弘臨江范德幾永康胡汲仲蜀

郡虞伯生東陽柳道傳臨川何太虛金華黃晉

卿諸葉典嚴有則誠可繼盛唐之絕響矣自是

始有意收輯十數年間耳目所得者已若此況

夫 館閣之所儲拔聲教之所漸被此蓋未能

十一耳信乎一代之興必有一代之人才烏虞

盛哉

皇元風雅卷之一

書大宋容城劉固夢

黃金臺

燕山不改色易水無新聲誰知數尺臺中有萬古情區區後世人猶愛黃金名黃金亦何物能為賢重輕德輝照九仞鳳鳥才一鳴伊誰腐且弄坐見飢鶩爭周道日東漸二老皆西行養民以致賢王業自此成黃金與山平不救兵縱橫落日下荒臺山水有餘清

仙臺

碣石來海際西南奄金燕中有學仙臺燕平欲

八卷

升天燕平骨已朽遺臺猶相傳雖復生青松歲人推為烟極目望海波不見三山巔三山巨鰲替仙人燃風然使無不足論信有亦可憐大塊如洪爐金石能久堅天地會有盡何物為神仙空山無笙鶴落日下飢鶩今古非一臺浩歎我風前

經古城

我行常山尾高城墮吾前按轡覽形勢依一星金燕易水開前襟飛狐連右肩遙想豪傑場撫已曾慨然薪人過我傍一笑如相憐指城前問

西山

古今幾新院忠未及客行歌入蒼烟

西山澹無姿中有藝皇前翻思太古人事業何不傳三墳亦何罪由遠成灰烟紛紛後來人竟爭朝妍黜名史一冊學術文千篇古人豈不然後有無窮年惟餘方寸心天地相後先

泛舟西溪

萬山倒滄浪一葉凌嵯峨嵯峨為飛舞翠影如婆娑輕陰散雨足淨綠生圓波人間碧海幻老眼青銅磨風雲幾千古對此兩一蓑溪南有幽

一卷

人鼓棹前山阿烟深渺無處月色浮松蘿

重遊北溪

蒼黃澹野色中樹含清暉林居隱慈禱晴嵐散霏微歸雲有真意鳴禽數天機勝處必深會輕觴豈虛揮山泉來何從北望空依一

和擬古

朝遊易水側步上燕臺荒燕王好神仙不見金銀堂江山古神路海色圍蒼苔哀我王風頽日化爭奪場敗世豈無人貴志歸北邙撫此重長歎青山忽軒昂呼酒樂今朝往事置一方遙

蘇軾後亦起千載傷

飲山亭

飲人不飲酒千載誰與期賴有此山色我杯時
一樽西郊遠市井林亭對山暉主人知愛客
匪無虛時佳客麟鳳然人亦難致之君亭有
山招飲當不辭

采菊

天門折翼不再舉袖手四海橫流前長星飲汝
一杯酒畱我萬古義皇天廟堂空宋元勳誰
信東籬有晉臣南山果誠慙然處不惜寒香持

贈君

平昔

平昔襟期鏡屢看而今涉世願高年自憐不唾
青城地共策仍憂杞國天履影無傷猶不忍吹
蓬雖誤亦當然人間萬事思空徧依舊西園理
斷編

故人見訪山中

客子畏人常簡出病來庭戶益荒蕪多時略開
通書問遠路遙慚送藥須埽地預占燈爐喜
門遙認草亭孤故人知我無供給故著看山耐

野夫

西湖

水竇深藏十畝烟賣書直欲買漁舡數椽破屋
已自足四海虛名良可憐醉後不知清露下興
來擬共白鷗眠瀟溪湯有當年志老去而今只
愛蓮

次人韻

樂天方識淡中甜安土無妨著處粘道在市朝
皆可隱機忘鷗鳥亦無嫌自塵不得山雲度樹
老慣經秋氣嚴世上關愁渾幾許而今青鏡滿

霜鬢

銅雀瓦

諸侯負漢已堪憐直筆何為亦魏編却愛曹瞞
臺上瓦至今猶屬建安年

朱孝子割股詩卷

敝本戕支亦可憐粉身爭忍欲崩天詩書明日
良心在應對瘡痕一泫然

讀史評

記錄紛二已失真語言輕重在詞臣若將字
斷心術恐有無邊受屈人

米元章雲烟疊嶂圖

勢威傳是阿章短屏山影露微茫苦心只
雲烟好不教人呼作米狂

萬壽宮館舍

來時殘雪點征衣落盡庭花尚未歸夢裏不知
身是病春衫歸路馬如飛

幽人面

澗響無心和考槃雲容有意近長安野猿窺破
中宵夢却恐山靈不易謗

溪橋步月韻

山中有幽人獨步溪橋月莫問興如何披箇亦
清絕

春日

游絲困無力欲起重悠揚芳艸落花滿相思春
晝長

史雲士挽章

平昔未相識幾回曾寄聲今朝聞謝世便有故
人情

放歌

莫道人生駐幾何金銀觀闕亦無多垂楊流水

試歌

會飲北山

相逢相飲莫相違往事紛二何足悲別後幾經
陰悔淺歸來豈止昔人非此山變滅終如我
會登臨知與誰今古區二等如此不須辛
料暉

卷一

先生天資卓犖早歲讀書屬文落筆驚人
皇元平江南其畱籍悉載以來先生獨取文公

書會粹而甄別之涵浸義理充廣學問故
其文精而深其識宏以正其聲名益大以

肆時

裕宗方毓德青宮聞其賢至元二十四年以右

贊善大夫召至京師旋以母老辭去居數
歲沒以集賢學士召不至三十年卒年四
十有五延祐中賜諡文靖公

名臣事略

鄧普齋

訓子

中書左丞河內許衡仲平

干戈恣爛湯無人救時屯中原竟失鹿滄海
飛塵我自揣何能存亂後身遺芳藉遠祖
理出先人俯仰意悠然此樂難擬倫家無憾
儲心有天地春沉對汝二子豈復知吾貧大
願如古人淳小兒願如古人真生平乃親多
辛願汝辛苦過乃親身居歛臥思致
君身在 朝廷思澤民但願磊落忠信存莫圖
苟且功名新斯言殆可書諸紳

有感

嬌兒未成人病苦不肯退憂傷動中懷慘
欲碎老妻情更惡中夜泣相對何如早還歸山
陽墳壟在平生所願心展轉不得遂十年誤同
遊回首只多愧病連肺肝深因覺妻子累悠
故鄉情滴 眼中淚孤死知首丘人生戀鄉土
我心久焦勞宿疾安能愈所貴還故鄉遺骸近
先祖他事足嗟嘆西風動寰宇歸與不可歇
程待何時悠 故鄉心一夕千里馳西風動
離索 令人悲況我多病身天涯久栖遲交

歲難忘豈忍輕別離重念丘嫂遠嬌兒正屬
國猶死異邑後世將何遺所願經營日及此
金衰樹桑墻以下開畦水之湄既得紓困難且
可為鉷基幼無孝弟稱老無恩澤施唯有近先
坐一死乃其宜諸君苦雷連雅意金蘭期我自
無遐福形骸變焦姜生平尚求友得友還差池
中懷起愁歎欲別難為辭試將問吾廬何日當
西之緩急有擬議行止更無疑作詩叙悃款為
報吾親知

別西山

大山如蹲龍小山如踞虎烟嵐鬱蒼翠遠近互
吞吐我來薊門居遨遊成樂土策杖望朝雲卷
簾看暮雨佳意豁塵腥勝槩入談麈使我鬱陶
消使我勞瘁愈生平鄙吝心一洗出千古回首
聲利人何殊坐圉園遠役非素懷況有跋涉苦
吟鞭裊東風遲 如去魯芳菲二三月追遊感
梅塢歸來願無違一觴期對舉

雜言

花迹香風入短櫺草抽新綠倚柴荆正憂多病
作身累還喜幽居見物情花為可觀遭天折草

川海欣榮世間巧拙都相半不許區
力爭

病中有感

十載天涯客寄身今年憔悴不堪聞病來與死
傳消息老去無家遺子孫故里追遊頻入夢春
城凝眺獨消魂如何藉我知音力五畝歸田心
北村

桃溪歸隱

果肯歸來學隱淪閑中別有一乾坤可人碧草
自生意入枕朱絲醒醉拋花滿春風看錦浪水

明涼月話黃昏此中意趣知多少莫向簪纓取
次論

觀漲

雨水添新漲陂湖沒舊痕人迷隄口路舡上樹
頭村歲事知全誤秋耕未可論誰憐徭役外天
亦慘深恩

喜晴

曉色開晴望春風破客顏綠紆東去水青起社
來山魏府方期往共城已夢還芳菲梅柳感

竹花間

夜雨

雨變秋霖蕭蕭入夜深亂敲驚葉脫清
聲往事十年夢故鄉千里心西風助淒切
管客難任

登西城故臺

薰風不解慍涼氣欲生秋往事都成夢離心抵
自愁蒼黃原上草寂寞水邊丘却憶家山好言
歸未有由

憶賈君玉

賈君清介士吾輩鮮能群守志王元伯甘貧范

史雲銅臺書廢讀東郡酒方醺何日尋先約青
燈共夜分

不寐

秋宵多感慨展轉不成眠老況青燈外羈愁白
髮邊蹉跎嗟往事安穩憶歸年却起開門望霜
清月滿天

趙氏南莊

晚起北窗涼清談戢羽觴入簾花氣重落地燕
泥香夢裏青山好吟遣白日長秋風載書歸

樂節堂

七月望日思親

思却千思與方思音容無復見當時章句
燈前教疏圓春深膝下嬉將謂百年供色養
期一日變生離太山為礪終磨盡此恨綿
易衰

贈竇先生行

西山二下覓幽村水竹隣居擬卜君豈意天書
下白屋便收行李入青雲功名准與英賢立得
失防因去就分萬里風沙渺南北請歸消息
時聞

卷一

冥謝風沙老不禁斯民久已渴商霖願推往古
明倫學用沃吾君濟世心甫治看將變長治
吟亦復化謳吟千年際會真難得好要先生著
意深

偶成

屈指年華四十三歸來憔悴百無堪遠懷未得
華前遂俗事多因困後諸百畝桑麻負城邑
竹對烟嵐紛二世態終休論老作山家
廿

答董端卿

肝肺掌中堅擔穩推高與頃連涉世更難
如我拙保身從昔慕君賢青山有約期終老
自無閑閱舊編慚負新詩未能謝且容竭力
耕田

謝梁安撫惠田

晚年幽興入幽居擬即君侯置一區令德久思
親慷慨佳田今許乞膏腴太行西對千峯玉淇
水東窺萬斛珠幸著此身於此老願從樂正五
人俱

用行甫韻

蛟龍不肯脫淵深鳥雀還知宿茂林笑我羈孤
成蹙二千今衰老復駸二困來未易追前事病
久猶當屈壯心聞道西溪田可得安栖從此有
佳音

贈李生

防病須防未病時病臨休恃藥能鑿寸瘡潰
全身死一息差來五歲危禁盜更知先禁博存
毛未必勝存皮万般補養終成偽只有操心是
要規

耶律祭酒撰考歲略云先生幼有異稟十餘

神全目光射人苟非名冠天下即當神遊
表人間富貴不足道耳但兩顧頗暗清節有
餘而安逆不足先生三易師兵起三師皆還
難無後歲時設位祭之終身壬寅歲先生聞
雪齋傳伊洛之學於南士趙仁甫即詣蘇門
訪求之得伊川易傳晦菴四書小學等書一
手寫以還謂學者曰昔所授受殊孟浪也
中統元年應召北上二年授太子太保力辭
改國子祭酒九月以疾歸至元六年奉

詔議定官制七年拜中書左丞八年改集賢太
學士兼國子祭酒先生以蒙古生質樸未散
性貴涵養乃奏召舊弟子散居四方若姚燾
等十數人為伴讀欲以薰陶成德也十年請
告還葬上命眾議其去留雪齋云先生出處
關時世之污隆自處審矣我輩不可強之即
合辭奏宜賜允從十三年召改脩曆事十七
年曆成乞歸十八年薨年七十三皇慶二年
詔與宋儒周程張邵司馬朱張呂九人從祀
夫子廟庭

皇元風雅卷之二 學士承旨柳城姚樞公茂
題蘇國夫人夜遊圖

宴安懷鴆毒蕩快國將亡緬思天寶載聲色迷
君王朝政出多門十九分權綱其誰堪炙手秦
掃連諸楊拔附勢莫比所異保樹房宮中陪宴
樂畫短疑夜長重為長夜遊細馬馱寶裝胡不
秉明燭實行撒札防一從此風熾野鹿踰宮闕
五岳出洛洛四海同慘傷維時所貴顯赤族亦
羅殃馬崑脂粉暗岷山澤西陵明年雖幸還大
海翻田桑山河增慘澹日月銷精光問民瘡痍
中哭廟煨燼傷女寵禍何酷百悔不一償在茲
豈足擬于茲不可忘

被顧問題張萱畫明皇擊毬按樂圖
阿萱五季名畫師尤工粉墨會春姿君王遊豫
隨聲色不知聲色傾人國開元無逸致太平天
寶奢風生五兵偃月堂近幽前遠潛謀不入天
容苑咸陽行也馬鬼塵萱筆雖工忍未真四海
蒼生半魚肉歸來豈為香囊哭一日重開日月
光黃金却鑄郭汾陽

邵伯常

侍讀學士充國信使陳川

儀真館中雜題九首

心事悠悠逐去鴻夢魂渺渺入西風無邊木葉

驚窮恨一夜秋容滿鏡中

鞍馬忽二改館來失容開罷海棠開梁間笑殺

新來燕去了重來尚未回

花落深庭日正長蜂何捺配蝶何忙匡床不下

凝塵滿消盡年光一炷香

三年獨酌楚江濱醉裏乾坤夢裏身周顓近來

添一斗坐中不見洛陽人

二卷

下

持節江頭久食魚館人供雁意踟躕呼兒細看

雲間足恐有中原問訊書

黑風吹雨過江來日擁雲頭不放開忽作奇峯

如華岳半天金碧晚崔嵬

狂花野蔓滿籬籬恨殺絲瓜結子稀獨立無言

解蛛網放他胡蝶一雙飛

只見星簾挂月鉤銀河依舊隔牽牛遙憐玉露

佳兒女淚滿西風乞巧樓

重閣雨久塌葦苔火鋪喧呼著蛛絲唯有東風

難禁約闌舊吹過落花來

和陶形神影三首

萬物生道區受形各有時運會迭來往寢陽

壤之妙合我初凝爾亦即在茲隱見陰陽中幻

化無了期寢寐一生死寂然匪為思我勞為有

此爾苦勿涕洟請看聲與響相隨復何疑大都

本無有相贈徒費辭右形贈影

靜陰乃道影範圍無巧拙大車轉通達轍跡豈

能絕妍醜君固有隨君非慕悅日月相代明

能與君別思君不如我君沒我不滅生死無

損得失豈內熱因物不逐物原二靡衰竭

二卷

下

復隨我茲時見優劣右影答形

出入生死間妙物不自著物二非為物超然變

新故二子一醯鷄羊羖相胥附成壞不在已安

用相告語元陽初化時靜一是好處在二靡方

兩悠二無定住陶老信達者得失委命數全神

乃遺形種秫修釀具一醉樂有餘陶然忘毀譽

醉夢曾弗辨町畦都削去既不將不迎亦何憂

何懼能逃世上名豈有身後慮右神釋

居庸行

驚風吹沙暮天黃死焰燎日橫天狼嶮玉鐵
六十里塞口一噴來冰霜導騎局脊銜尾前
軍輜二半側箱彈箏峽道水復凍居庸關頭
半勝橫拉恆忒西太行倒卷渤海東扶桑幽
却在南口南截斷北陸方古強當時金源帝中
華連釁形勢臨八方誰知末年亂紀綱不使崇
慶如明昌陰山火起飛蟄龍背負斗極開洪荒
直將尺筭定天下疋馬到處皆吾疆百年一債
老帝室室怒市色還猖狂遷今逆血洒玉座六
宮飲泣无天王清夷門折黑風賊臣一夜掣

二卷

鎮降北王浞裏骨成山官軍城上不敢望更猷
監牧四十萬舉國南渡尤倉皇中原無人不
取高歌曳落婦帝鄉但留一旅時往來不過數
歲終滅亡潼關不守國無門便作龜茲能久長
汴梁無用築子城試看昌州三道墻

巴陵女子行

已未秋九月

王師渡江大帥拔都自鄂渚以一軍覘上流
遂圍岳二潰入於洞庭俘其遺民以婦節婦
巴陵女子誓不辱于兵書詩衣帛見意處

而死其自序曰巴陵女子韓希孟魏公五
孫婦於尚書賈公之男瓊岳州破被虜之明
日以衣帛書詩願好事君子知吾宋家有守
節者其詩悲婉澈切有漢魏歌謠風氣如天
果曠中原太姒裂冠衿我本瑚璉器安肯作
溺血借此清江水葬我全首領皇天如有知
定許血面請願魂化精衛填海使成嶺殆數
百言辭意壯烈有古義士未到者余既高希
孟之節且悲其志作巴陵女子行

二卷

北來諸軍飛渡江突騎一夜滿岳陽樓頭火起
入閭巷曹伍偶走如牛羊巴陵女子尚書婦生
平不識門前路亂兵馳出勢蒼黃夫婿翁姑在
何處吞聲掩淚行且啼二痕沾濕越羅衣此身
忍使人再辱裂帛暗寫臨終詩上言社稷安危
事下說投江誓天志一回婉轉一悲辛心折塊
飛不成字詩成淚盡赴江流蛾眉蕭颯天為愁
芙蓉零亂入秋水玉骨直葬青海頭古來烈婦
才一二誰似巴陵更文理名與長江千古流
相魏公還不死

對松行